

## Transkription von Urkunde HST 1495b

Ort, Datierung: Stralsund, 1495-01-12

Signatur: Stadtarchiv Hansestadt Stralsund, StU 1801 [\[online\]](#)

Inhalt: St. Johannis Kloster: Seelenmessen

Jn gades name(n) Amen wȳ broder Joha(n)es beŷerma(n) gardian broder paul(us) vyrik brod(er) Johan sarow brod(er) Radolphus brun brod(er) herma(n)n(us) / vogeler oltuedere vnde alle andere brodere junck vnde olt des closter(es) sancti Joha(n)nis tome sũnde des ordens sancti frauaso <sup>1</sup> vor vns vn(de) / vnse nakomelinghe bokenne(n) vn(de) betughen apenbar vor allesweme jn desseme breŷe dat wȳ entfanghen hebben van zelighe(n) / her hennyck jũnghe(n) wegen wandages ratman tome sunde deme got gnade xxiii mark sũnd(escher) jarliker pacht indeme dorpe lubbe/kenytze vppe wyttow jn deme kerspele to der olden kerke Na lude vnde inholde des vorsegelden breŷes vns dar vp ghegheue(n) vor / desse vorsecreuen gaue(n) vnde almyss(en) scole wȳ vnde wyllen dat also schycken vnde vorseen Dat in vnser erbenomede(n) kerke scolē / werden gheholden alle jar to ewighen tyden jslikes jares viii vigilie(n) vn(de) viii selemis(en) dar wy den almechtige(n) got truweliken / myt vlite vnde jnnȳcheit nach vnseme vormoghe gerne jnne bydde(n) wyllen mȳt vnse(n) ewigen nakomelynge(n) vor zelighe(n) her / hennyck jũnghe(n) vor syne beyde(n) hũsvrowe(n) vor syne kyndere vnde vor syne oldere(n) vnde vor h(er) Johan rũwynk vnde syne / hũsvrowe Alle xiiii dage vor sũnte Michaelis dage de erste vigilie vn(de) selemisse vn(de) xiiii dage na sunte michaelis dage ok ene me=/morie vnde xiiii dage vor wynachten ene memorie(n) vn(de) xiiii dage na wynachte(n) ene memorie(n) Jte(m) xiiii dage vor pasche(n) ene / memorie(n) vn(de) xiiii dage na pasche(n) ene memorie(n) Jte(m) xiiii dage vor sunte Joha(n)nis baptiste(n) dage ene memorie(n) vn(de) xiiii dage na / sũnte Joha(n)nis baptiste(n) dage ene memorie(n) Alzo ene vigilie vn(de) ene selemis(e) vnde so vortan to alle(n) naũolgende(n) verndel / jars to ewige(n) tyden jslikes verndels jars yo twe memorie(n) to holdende sũnderJenygherleȳe vorsũmenisse edder vor=/togherȳnge Dyt allent vorsecreue(n) laue wy erbenomede(n) brodere vthe deme clostere sũnte johann(n)is vor vns vn(de) vnse / ewighe(n) nakomelynge(n) Her hinrik Schutȳnge borgermestere tome sunde vn(de) syne(n) erue(n) vnde hans vronde(n) testame(n)=/tarien zelige(n) her he(n)nynck junge(n) vnde eren ewigen nakomelinge(n) in ghude(n) truwe(n) vnde zekeren loue(n) stede vn(de) vast / wol to holdende sũnder jenygherleȳe argelist Des to groter tũchnisse vn(de) vaster vor waringe hebbe wy vnse / Co(n)uentes jngeseghel myt vnse gardians jngesegel wytlike(n) ghehenget an dessen breff geue(n) vn(de) screuen / Na gades bort xiiii<sup>C</sup> vn(de) xcv jar des mandages vor Anthonij co(n)fessor(us)

---

<sup>1</sup> *fran(zis)co* ?